

PWYLLGORAU GWEITHREDOL A CHANOLOG

ADRODDIAD MONITRO YMWELIADAU

PWNC:	GWEITHGARWCH YMWELD
ADRODDIAD:	SWYDDOG YMGYSYLLTU Â CHLEIFION A'R CYHOEDD/MONITRO A CHRAFFU
STATWS:	PAPUR GWYBODAETH
CYSWLLT:	SARA NEWNES
DYDDIAD:	EBRILL 2019

DIBEN

Hysbysu Pwyllgorau am weithgarwch ymweld y CIC ac ymatebion y Bwrdd Iechyd yn dilyn ymweliadau a gynhaliwyd rhwng mis Ionawr 2019 a mis Mawrth 2019.

CEFNDIR

Cynhaliwyd ymweliadau ag adrannau cleifion allanol ar gyfer apwyntiadau trawma ac orthopedig, ysbytai cymunedol a wardiau aciwt cyffredinol fel rhan o gynllun blynyddol y CIC.

	Tudalen
Ymweliadau o'r chwarter blaenorol wedi'u diweddarau ag ymateb y Bwrdd Iechyd	2
Ymweliadau a gynhaliwyd rhwng mis Ionawr 2019 a mis Mawrth 2019	16

Ymweliadau o'r chwarter blaenorol wedi'u diweddarau ag ymateb y Bwrdd Iechyd

Ymweliad	Ysbyty Ystrad Fawr – 3.1 Rhisga	Dyddiad:	18/9/2018
<ul style="list-style-type: none">Nid oedd dau o'r pedwar lifft sydd ar gael yn gweithio'n iawn. <p>Ymateb y Bwrdd Iechyd:</p> <ul style="list-style-type: none">Yr adran Gwaith ac Ystadau i ymgysylltu â'r ward ynglŷn ag amserlenni ar gyfer atgyweiriadau a sicrhau bod hysbysiadau wedi'u harddangos i roi gwybod i gleifion/ymwelwyr.			
<p>Y ward:</p> <ul style="list-style-type: none">Roedd rhai posteri ar y waliau yn uchel iawn ac mae'n bosibl nad oedd yn hawdd i gleifion/ymwelwyr mewn cadeiriau olwyn eu gweld.Nid oedd pob un o'r cleifion wedi cael gwybodaeth am y ward, neu nid oeddent yn cofio cael y wybodaeth.Roedd goleuadau wedi'u diffodd mewn rhai ardaloedd o'r ward a allai achosi perygl.Nodwyd bod ffaniau heb eu plygio i mewn yn y coridorau.Roedd cortynnau tynnu mewn argyfwng wedi'u clymu mewn dwy ystafell ymolchi.Roedd ystafell storio wedi cael ei gadael ar agor a heb unrhyw un yn ei goruchwyllo.Nid oedd cleifion bob amser yn gwybod pa gyfleusterau/gweithgareddau oedd ar gael ar y ward. <p>Ymateb y Bwrdd Iechyd:</p> <ul style="list-style-type: none">Mae'r hysbysfyrddau wedi cael eu hadolygu. Ni ellir gostwng hysbysiadau oherwydd y canllawiau rhwng y ciwbiclau.Bydd pecyn croeso/taflen groeso yn cael ei lunio/ei llunio. Bydd bwrdd croeso yn y fynedfa yn cael ei ddatblygu. Bydd y ward yn ystyried opsiynau eraill ar gyfer cyfathrebu â chleifion a sicrhau eu bod wedi'u teilwra i anghenion unigol y claf.Bydd yr arweinwyr yn sicrhau bod goleuadau yn ddigonol ac yn rhoi gwybod am unrhyw ddiffygion ar unwaith wrth gerdded o amgylch y ward yn ddyddiol.Bydd yr holl offer yn cael eu storio'n briodol. Bydd yr arweinwyr yn cerdded o amgylch y ward i dynnu sylw at unrhyw broblemau gan gynnwys problemau amgylcheddol.Cortynnau tynnu i'w datod ar unwaith. Arweinwyr i barhau i			

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

gerdded o amgylch y ward i dynnu sylw at unrhyw broblemau gan gynnwys problemau amgylcheddol. Sicrhau y rhoddir gwybod am unrhyw broblemau gyda chortynnau tynnu neu glychau galw.

- Staff i sicrhau bod pob ardal nad yw'n ardal i gleifion ar gau. Arweinwyr i gerdded o amgylch y ward i dynnu sylw at unrhyw broblemau.
- Rhoddodd y Bwrdd Iechyd wybodaeth am y cyfleusterau a'r gweithgareddau sydd ar gael ar y ward. Bydd taflenni ward yn cael eu llunio a chaiff y cleifion eu hysbysu a'u hannog i gymryd rhan.

Ardal i gleifion:

Dim argymhellion.

Aelodau o staff:

- Nid oedd pob aelod o staff yn gwisgo bathodyn enw amlwg.
- Roedd rhai cleifion yn teimlo nad oedd digon o staff i ddiwallu anghenion y cleifion.

Ymateb y Bwrdd Iechyd:

- Atgoffwyd pob aelod o staff i wisgo bathodyn enw. Gwneir ceisiadau amserol am fathodynnau newydd.
- Rhoddodd y Bwrdd Iechyd grynoded o'r lefelau staffio sydd ar gael ar gyfer y ward.

Cysur a hylendid:

- Nid oedd rhai cleifion yn teimlo bod eu hanghenion hylendid yn cael eu diwallu.

Ymateb y Bwrdd Iechyd:

- Mae'r cleifion bellach yn cael cynnig golchi dwylo neu weips dwylo cyn prydau bwyd. Mae'r staff yn sicrhau bod cynlluniau gofal perthnasol ar waith gan gleifion y mae angen cymorth hylendid personol arnynt. Staff i sicrhau y cynigir bath/cawod i'r holl gleifion.

Dillad gwely:

Dim argymhellion.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Darparu prydau:

- Nid oedd pob claf yn gwybod bod byrbrydau ar gael.

Ymateb y Bwrdd Iechyd:

- Bydd nyrsys sy'n helpu adeg prydau bwyd yn sicrhau bod y cleifion yn gwybod bod byrbrydau ar gael. Bydd y staff yn gofyn i'r cleifion yn rheolaidd a oes angen unrhyw fyrbrydau bwyd neu ddiod arnynt.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Ysbyty Aneurin Bevan – Tyleri	Dyddiad:	20/9/2018
Y ward: <ul style="list-style-type: none">• Nid oedd rhai cleifion wedi cael taflen wybodaeth.• Nid oedd un o'r ystafelloedd ymolchi cymunedol yn gweithio ar ddiwrnod yr ymweliad.• Nid oedd pob claf yn ymwybodol o'r cyfleusterau a'r gweithgareddau oedd ar gael iddynt ar y ward.			
Ymateb y Bwrdd Iechyd: <ul style="list-style-type: none">• Caiff llyfryn wedi'i lamineiddio ei ddarparu ar gyfer pob ystafell. Atgoffwyd y staff i sicrhau bod y rhain yn weladwy i gleifion/perthnasau wrth iddynt gael eu derbyn i'r ward.• Mae'r ystafell ymolchi bellach yn gweithio.• Rhoddodd y Bwrdd Iechyd fanylion ynglŷn â'r cyfleusterau a'r gweithgareddau sydd ar gael ar y ward. Caiff y cleifion eu hannog i gymryd rhan mewn gweithgareddau.			
Ardal i gleifion: <p>Dim argymhellion.</p>			
Aelodau o staff: <ul style="list-style-type: none">• Nid oedd pob aelod o'r staff yn cyflwyno'i hun wrth roi gofal neu driniaeth i gleifion.			
Ymateb y Bwrdd Iechyd: <ul style="list-style-type: none">• Atgoffwyd y staff am bwysigrwydd cyflwyno eu hunain.			
Cysur a hylendid: <ul style="list-style-type: none">• Nid oedd pob claf yn teimlo y gallai ddefnyddio cyfleusterau hylendid personol mor aml ag yr hoffai.			
Ymateb y Bwrdd Iechyd: <ul style="list-style-type: none">• Cynigir cymorth i gleifion gyda gofal personol yn y bore. Gall cleifion ddefnyddio'r gawod/bath ar unrhyw adeg o'r dydd. Anogir cleifion ailalluogi i ddod yn annibynnol.			
Dillad gwely: <p>Dim argymhellion.</p>			

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Darparu prydau:

- Ni roddwyd cymorth i rai cleifion i fwyta eu pryd ac nid oedd system nodi hambyrddau ar waith.

Ymateb y Bwrdd Iechyd:

- Ar ddiwrnod yr ymweliad roedd nifer anarferol o fawr o gleifion yr oedd angen cymorth arnynt ar adeg prydau bwyd. Mae'r ward wedi cyflwyno strategaeth i sicrhau bod cymorth ar gael os oes angen.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Ysbyty Brenhinol Gwent – C4 Dwyrain	Dyddiad:	26/9/2018
Yn ystod yr ymweliad, roedd Ward C4 Dwyrain wedi'i lleoli ar B3 dros dro.			
Y ward: <ul style="list-style-type: none">• Roedd claf yr oedd angen cyfathrebu dieiriau arno drwy ei ofalwr, a oedd yn cael bod ar y ward rhwng 8:30am a 3:30pm. Ni roddwyd unrhyw wybodaeth am y dull cyfathrebu y tu allan i'r amseroedd hyn.• Nid oedd rhai cleifion yn ymwybodol o'r cyfleusterau ar y ward i'w hatal rhag diflasu a theimlo'n ynysig.			
Ymateb y Bwrdd Iechyd: <ul style="list-style-type: none">• Mae gan y ward fwrdd darluniau y gall cleifion dieiriau ei ddefnydio ac mae pen a phapur ar gael hefyd. Gellir hefyd gyfeirio cleifion at y timau Lleferydd ac Iaith sydd ag iPads y gall cleifion eu defnyddio.• Rhoddodd y Bwrdd Iechyd fanylion ynglŷn â pha gyfleusterau sydd ar gael ar y ward. Dylai staff y ward sicrhau bod y cleifion yn ymwybodol o weithgareddau'r ward ac yn cael cymorth i gymryd rhan ynddynt. Dylai'r cleifion gael gwybod am ddeunyddiau darllen a chwaraewyr DVD a'u hannog i ddod â'u heitemau eu hunain i'w defnyddio.			
Ardal i gleifion: <p>Dim argymhellion.</p>			
Aelodau o staff: <ul style="list-style-type: none">• Nid oedd rhai aelodau o'r staff yn gwisgo bathodynnew enw newydd ar ôl rhoi gofal i gleifion.			
Ymateb y Bwrdd Iechyd: <ul style="list-style-type: none">• Bydd Prif Nyrs y Ward yn sicrhau bod pob aelod o staff yn gwisgo bathodyn enw newydd ar ôl rhoi gofal i gleifion, a chaiff cais amserol ei wneud am unrhyw fathodynnew enw newydd sydd eu hangen.			
Cysur a hylendid: <ul style="list-style-type: none">• Dywedodd un claf ei fod yn mynd yn oer ac yn anghyfforddus gyda'r nos am nad oedd digon o flancedi a gobenyddion ganddo.			

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymateb y Bwrdd Iechyd:

- Bydd rheolwr y ward yn sicrhau bod gan y ward ddigon o obenyddion a blancedi er mwyn galluogi cleifion i fod yn gyfforddus yn ystod eu hamser ar y ward.

Dillad gwely:

Dim argymhellion.

Darparu prydau:

- Nid oedd pob claf yn cael ei annog i ddefnyddio cyfleusterau hylendid dwylo cyn bwyta.
- Roedd un claf yn teimlo y dylid newid ei jwg ddŵr fwy na dwywaith y dydd.

Ymateb y Bwrdd Iechyd:

- Caiff y cleifion eu hannog a'u helpu i ddefnyddio cyfleusterau golchi dwylo neu darperir weips dwylo iddynt cyn bwyta.
- Caiff jygiau dŵr eu newid deirgwaith y dydd ac mae staff ar gael i ail-lenwi jygiau dŵr rhwng yr adegau hyn.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Ysbyty Brenhinol Gwent - Adran Damweiniau ac Achosion Brys	Dyddiad:	1/10/2018 22/10/2018
-----------------	---	-----------------	-------------------------

Amgylchedd:

- Nid oedd cortyn tynnu wedi'i gysylltu yn y toiled i'r anabl.
- Roedd bin wedi rhydu yn y toiled i fenywod.
- Nid oedd cyfleusterau hylendid dwylo ar gael ym mhob man yn yr adran.

Ymateb y Bwrdd Iechyd:

- Caiff y cortyn tynnu ei ystyried yn risg gydnabyddedig a dyma'r rheswm nad oedd yn ei le yn ystod yr ymweliad. Roedd y staff yn ymwybodol bod angen mynd â chleifion i'r toiled ac aros y tu allan i'r drws rhag ofn bod angen iddynt roi cymorth. Gofynnwyd am gostau i osod system galw pad cyffwrdd yn lle'r system cortyn.
- Mae biniau newydd wedi cael eu harchebu.
- Mae cyfleusterau hylendid dwylo newydd wedi cael eu gosod yn yr ardal aros.

Adborth gan gleifion:

- Ni wnaeth y rhan fwyaf o'r cleifion gysylltu â'r adran Y Tu Allan i Oriau na Galw Iechyd Cymru cyn dod i'r adran Damweiniau ac Achosion Brys.
- Roedd cleifion yn anfodlon ar y cyfleusterau parcio yn yr ysbyty.
- Roedd diflastod yn ystod cyfnodau hir o aros yn ffactor i lawer o gleifion gyda'r nos oherwydd roedd y teledu wedi'i ddiffodd ac nid oedd unrhyw gylchgronau/papurau newydd ar gael.
- Nid oedd y cleifion yn cael y wybodaeth ddiweddaraf am amseroedd aros.
- Roedd un claf yn teimlo nad oedd yr amgylchedd yn addas oherwydd y lefelau uchel o orbryder roedd yn eu profi.

Ymateb y Bwrdd Iechyd:

- Mae tîm cyfathrebu'r Bwrdd Iechyd yn hyrwyddo'r gwasanaethau Y Tu Allan i Oriau a Galw Iechyd Cymru drwy'r cyfryngau cymdeithasol. Caiff posteri eu harddangos yn yr adrannau achosion brys hefyd.
- Mae'r Bwrdd Iechyd yn ymwybodol bod nifer y lleoedd parcio i geir yn broblem. Mae mesurau rheoli traffig wedi cael eu rhoi ar waith ac mae cyfleoedd posibl ar gyfer atebion hirdymor megis 'parcio a

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

theithio' yn cael eu hystyried.

- Dylai'r teledu yn y brif ardal aros a'r is-ardaloedd aros fod ymlaen bob amser. Nid yw'r Bwrdd Iechyd yn siŵr p'un ai cleifion neu staff sy'n diffodd y teledu felly mae'r staff wedi cael eu hatgoffa na ddylid ei ddiffodd. Mae cylchgronau yn aml yn cael eu rhwygo a'u difrodi ac yn creu perygl baglu/llithro. Mae Wifi ar gael ym mhob man yn yr adran.
- Dylai'r cleifion gael eu hysbysu am amseroedd aros disgwylidig wrth gyrraedd, yn ystod brysbennu a phan fydd staff yn rhoi gofal. Dylid defnyddio'r uwchseinydd bob 2 awr i rannu neges am amseroedd aros. Gofynnwyd am gostau i uwchraddio teledu gwybodaeth y cleifion i gynnwys amseroedd aros.
- Mae'r adran yn cefnogi pob claf sy'n dioddef o orbryder ac yn gweithio gyda'r claf i ddod o hyd i'r lleoliad gorau iddo o fewn cyfyngiadau'r adran.

Effeithlonrwydd:

- Nid oedd y cleifion yn cael eu trosglwyddo gan griwiau ambiwlansys o fewn 15 munud.

Ymateb y Bwrdd Iechyd:

- Dim ond pan nad oes lle yn yr ysbyty y caiff cleifion eu cadw mewn ambiwlansys. Bydd yr Uned Mân Anafiadau yn cael ei defnyddio ar gyfer hyd at 4 claf o'r adran anafiadau mawr ar adegau o uwchgyfeirio. Cytunwyd ar brotocolau i ddod â chleifion i mewn i'r adran yn nhrefn angen clinigol. Mae'r polisi uwchgyfeirio yn cael ei adolygu.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Ysbyty Brenhinol Gwent – Uned Asesu Meddygol	Dyddiad:	1/10/2018
-----------------	---	-----------------	-----------

Amgylchedd:

- Dim ond un math o sedd oedd ar gael sy'n golygu na fyddai'n addas ar gyfer pob math o glaf.
- Roedd y tîm ymweld yn teimlo nad oedd y toiled i bobl anabl yn addas.
- Nid oedd y pad cloi ar y cwpwrdd storio yn gweithio.

Ymateb y Bwrdd Iechyd:

- Mae seddi sefydlog wedi cael eu hadnewyddu i safon uchel yn ddiweddar i wella cysur cleifion. Mae cadeiriau pentyradwy unigol bellach ar gael hefyd a gellir defnyddio cadeiriau tebyg i rai Parker Knoll pan fydd gan glaf anghenion penodol.
- Mae gan y toiledau i bobl anabl ddrysau sy'n agor yn llydan ac sy'n addas ar gyfer pobl mewn cadair olwyn. Mae larymau cortyn tynnu newydd wedi cael eu gosod.
- Mae pad cloi newydd ar y cwpwrdd storio ac mae'n gweithio'n iawn.

Adborth gan gleifion:

- Ni roddwyd y wybodaeth ddiweddaraf i gleifion am amseroedd aros.
- Roedd rhai cleifion yn teimlo bod yr ardal aros yn 'gyfyng' ac roeddent yn cael trafferth dod o hyd i sedd.

Ymateb y Bwrdd Iechyd:

- Mae taflen wybodaeth i gleifion a diagram llif yn dangos taith cleifion ar waith. Caiff y staff eu hatgoffa i ddefnyddio'r adnoddau hyn i egluro amseroedd aros. Mae'r uned yn bwriadu prynu systemau electronig i hysbysu cleifion am amseroedd aros.
- Mae seddi priodol wedi cael eu darparu a chânt eu hychwanegu at yr ardal aros yn ôl y gofyn. Nodwyd bod rhai cleifion yn dod â llawer o berthnasau gyda nhw ac mae'r staff yn annog perthnasau i fynd i'r siop goffi wrth aros. Mae'r staff hefyd yn ceisio sicrhau mai dim ond cleifion ac ymwelwyr sy'n agored i niwed sy'n defnyddio'r seddi sydd ar gael.

Effeithlonrwydd:

- Nid oedd y cydlynedd llif cleifion ar ddyletswydd ac roedd 10 claf yn aros am wely neu'n aros i gael eu trosglwyddo i ysbyty arall.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymateb y Bwrdd Iechyd:

- Ar lefel yr uned, caiff y llif cleifion ei reoli gan y nyrs â chyfrifoldeb, sef rôl sy'n cael ei llenwi 24 awr y dydd. Caiff anawsterau eu huwchgyfeirio ac mae mentrau gwella yn cael eu hasesu yn barhaus.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Ysbyty Nevill Hall – Adran Damweiniau ac Achosion Brys	Dyddiad:	4/10/2018 22/10/2018
-----------------	--	-----------------	-------------------------

Amgylchedd:

- Gwelwyd cleifion yn cael gofal yn y coridorau.
- Gwelwyd bod drws tân yn cael ei ddal ar agor.
- Roedd ffabrig rhai o'r celfi yn yr ardal aros wedi rhwygo.
- Nodwyd nad oedd safonau glendid mor uchel yn ystod ymweliadau nos ag yn ystod y dydd.

Ymateb y Bwrdd Iechyd:

- Cynhelir asesiad risg ar gyfer cleifion wrth iddynt gyrraedd a chânt ofal gan nyrs gofrestredig. Caiff cyn lleied â phosibl o gleifion eu cadw yn y coridor a chaiff cleifion eu symud unwaith y bydd lle ar gael.
- Atgoffwyd y staff na ddylid cadw drwsau tân ar agor. I'w fonitro gan uwch-aelodau o staff.
- Mae costau celfi newydd wedi cael eu cyflwyno.
- Sicrhau y caiff yr amserlen lanhau ei dilyn. Dylid monitro glendid 24/7 a gellid gofyn am gymorth y tu allan i oriau gan y Goruchwyliwr Domestig os bydd angen.

Adborth gan gleifion:

- Ni nododd unrhyw gleifion eu bod wedi cysylltu â Galw Iechyd Cymru neu'r gwasanaeth y Tu Allan i Oriau cyn penderfynu dod i'r adran Damweiniau ac Achosion Brys.
- Nid oedd y cleifion yn cael y wybodaeth ddiweddaraf am amseroedd aros amcangyfrifedig.

Ymateb y Bwrdd Iechyd:

- Mae cyfathrebu yn fenter drwy'r Bwrdd Iechyd cyfan gyda'r tîm cyfathrebu yn hyrwyddo Galw Iechyd Cymru a'r gwasanaeth Y Tu Allan i Oriau drwy'r cyfryngau cymdeithasol. Mae hefyd bosteri a thafleuni yn yr adran.
- Dylai'r cleifion gael eu hysbysu am amseroedd aros disgwylidig wrth gyrraedd, yn ystod brysbennu a phan fydd staff yn rhoi gofal. Gofynnwyd am gostau i uwchraddio teledu gwybodaeth y cleifion presennol er mwyn ychwanegu amseroedd aros at y wybodaeth.

Effeithlonrwydd:

Dim argymhellion.

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Ysbyty Nevill Hall – Uned Asesu Brys	Dyddiad:	4/10/2018
Amgylchedd: <ul style="list-style-type: none">Nodwyd bod y cortyn tynnu mewn ystafell gawod ar y llawr.			
Ymateb y Bwrdd Iechyd: <ul style="list-style-type: none">Gosodwyd cortyn tynnu newydd a bydd y nyrs â chyfrifoldeb yn cwblhau gwiriadau dyddiol ac yn rhoi gwybod am unrhyw ddiffygion.			
Adborth gan gleifion: <ul style="list-style-type: none">Yn adborth y cleifion, nodwyd bod aros am amser hir ar droliâu yn effeithio ar lefelau cysur.			
Ymateb y Bwrdd Iechyd: <ul style="list-style-type: none">Gellir newid troliâu yn welyau os yw hynny'n glinigol angenrheidiol a chaiff cleifion eu blaenoriaethau ar gyfer gwely yn dibynnu ar eu hanghenion clinigol. Caiff amseroedd aros hir ar droliâu eu huwchgyfeirio at y tîm llif cleifion ac anogir cleifion i symud yn rheolaidd os gallant wneud hynny.			
Effeithlonrwydd: <ul style="list-style-type: none">Roedd gan yr adran bedwar claf a oedd yn aros i gael eu rhyddhau o bosibl.			
Ymateb y Bwrdd Iechyd: <ul style="list-style-type: none">Mae Cydlynnydd Rhyddhau bellach wedi'i gyflogi i wella'r broses o ryddhau cleifion o'r uned.			

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Canolfan Iechyd Tredegar	Dyddiad:	15/11/2018
<ul style="list-style-type: none">• Roedd cleifion yn teimlo mai dim ond un broblem roeddent yn gallu ei thrafod ym mhob apwyntiad.• Nododd rhai cleifion ei bod yn gallu bod yn anodd cael apwyntiad brys.• Nid oedd y rhan fwyaf o'r cleifion y siaradwyd â nhw yn ymwybodol o Fy Iechyd Ar-lein.• Roedd rhai cleifion yn teimlo nad oedd desg/ardal y dderbynfa mor breifat ag yr hoffent. <p><i>Ymateb y Bwrdd Iechyd:</i></p> <ul style="list-style-type: none">• Rheolwr y Practis i atgoffa pob meddyg teulu, gan gynnwys locymau, na ddylid cyfyngu cleifion i drafod un broblem yn unig yn ystod apwyntiad.• Cynhelir adolygiad o'r system apwyntiadau er mwyn gwneud gwelliannau.• Mae'r practis yn hyrwyddo Fy Iechyd Ar-lein drwy daflenni, gwybodaeth ar y wefan, posteri yn ardal y dderbynfa a slipiau meddyginiaeth amlroddadwy. Dywedir wrth y staff am drafod yr opsiwn hwn â'r cleifion pan fyddant yn dod i'r dderbynfa hefyd.• Caiff y staff eu hatgoffa y dylid cynnig yr opsiwn o drafod problemau yn breifat i gleifion os byddai'n well ganddynt wneud hynny. Arddangosir hysbysiadau ger desg y dderbynfa.			

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliad	Practis North Celynen	Dyddiad:	26/11/2018
<ul style="list-style-type: none">• Gall paneli gwydr wrth fynedfa'r adeilad beri perygl i gleifion sydd â nam ar y golwg.• Roedd cleifion yn teimlo mai dim ond un broblem roeddent yn gallu ei thrafod ym mhob apwyntiad.• Nododd rhai cleifion eu bod yn cael anawsterau wrth drefnu apwyntiadau, yn enwedig apwyntiadau brys.• Roedd rhai cleifion yn teimlo nad oedd desg/ardal y dderbynfa mor breifat ag yr hoffent.• Nid oedd y rhan fwyaf o'r cleifion y siaradwyd â nhw yn ymwybodol o Fy Iechyd Ar-lein.			
<i>Ymateb y Bwrdd Iechyd:</i>			
<ul style="list-style-type: none">• Bydd Rheolwr y Practis yn ystyried rhoi marciau ar y paneli gwydr.• Rhoddir cyfyngiadau ar drafod mwy nag un broblem mewn apwyntiadau brys a chaiff meddygon teulu eu hatgoffa i egluro pam mae hyn yn angenrheidiol ar gyfer apwyntiadau brys, os bydd angen.• Mae'r system frys yn gofyn i gleifion eistedd ac aros a theimlir nad oes angen gwneud newidiadau i'r system hon am fod pob claf y mae angen apwyntiad arno yn cael ei weld ar yr un diwrnod. Mae e-ymgynghoriadau hefyd wedi cael eu cyflwyno a rhagwelir y bydd hyn yn lleihau'r pwysau ar linellau ffôn y feddygfa a'i gwneud yn haws i bobl wneud apwyntiad.• Bydd amgylchyn ffenestr ar gyfer ardal y dderbynfa yn cael ei osod.• Mae Fy Iechyd Ar-lein yn cael ei hyrwyddo ac mae'r feddygfa wedi gweld cynnydd yn nifer y cleifion sy'n cofrestru.			

Ardaloedd yr Ymwelwyd â Nhw, Statws yr Ymateb a'r Ymateb a Gafwyd

Ymweliadau a gynhaliwyd rhwng mis Ionawr 2019 a mis Mawrth 2019 – aros am ymateb i'r adroddiad

	Disgwyl ymateb
Ysbyty Sant Cadog, Ward Adferiad	29/04/2019

Ymweliadau a gynhaliwyd rhwng mis Ionawr 2019 a mis Mawrth 2019 – heb gyflwyno adroddiad eto

	Dyddiad yr Ymweliad
Ymweliadau Prosiect y Gaeaf	Ionawr - Mawrth
Ysbyty Ystrad Fawr, Tŷ Cyfannol	15/03/2019
Ysbyty Llys Maindiff, Tŷ Ysgyryd	19/03/2019
Ysbyty Aneurin Bevan, Carn y Cefn	22/03/2019
Ysbyty Sirol, Talygarn	25/04/2019